



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Annotantur nonnulla circa secundam conclusionem & solutiones
argumentorum D. Thomæ. disp. 3.

[urn:nbn:de:hbz:466:1-73915](#)

Secundum. In nobis velle aliis bonum est perfec-
tio: ergo etiam in Deo.
Contraria sententia est Ferrariensis i. cōtrā gen-
tes cap. 75. & communis, nempe actū illum, quod
id quod addit supra se ipsum priori modo specta-
tum, non esse perfectionem in Deo. Censeturque
sententia Caetani parum in fide secura, piisque
aures offendere. Primo, quoniam si esset perfec-
tio, utique ex voluntione creaturarum Deo commodum
& perfectio aliqua adueniret: quod est contra Do-
ctorum omnium sententiam. Secundo, cūm ex exter-
nitate potuerit non velle conferre esse creaturis,
potuissit Deo deesse aliqua perfectio, que modō illi
conuenit, quod pias aures offendit. Tertio, quoniam
si illud est perfectio, est quid reale; & cūm potu-
erit esse, & non esse in Deo, erit accidentis compa-
ratione ipsius, diuināque essentia habebit se ad illud
ut potentia ad actū, efficiētque compositionem
cum essentia, dabiturque in Deo aliquid reale, quod
non sit ipsa diuinā essentia, quae omnia cum fide
Catholica pugnant. Dicendum igitur est, id, quod
addit actus ille, ut terminatur illo modo ad crea-
turas, neque esse perfectionem, neque aliquid reale,
sed solum respectum rationis, ut quæst. 14. art. 15.
ostensum est.

Ad primum ergo argumentum in oppositum, ne-
gandum est antecedens, si intelligatur, quod ab illo,
quod actus illi addit supra se ipsum priori modo
spectatū, habeat actus ille tamquam à principio,
aut à parte principij efficientis, quod sit causa actū
creaturarum: quanvis sit cōditio sine qua non esset
causa carum. Sōlus quippe actus diuinā voluntatis
in se spectatus est principium efficientis crea-
turarum: conditio vero, quod has res portiū, vel in hac
parte temporis, vel spaciī, quam alias, vel in
alia parte temporis vel spaciī producat, est quod
actus ille terminetur ad producendas potius has, &
in hac temporis & spaciī parte, quam ad alias, alio
tempore ac loco. Quod sit, ut quemadmodum pro-
ducere aliquid ad extra nullam perfectionem addit
supra principium ipsum productionis, antequam
talem rem producat (tam perfectus namque era-
gnis secundum se ipsum antequam caleficeret
aquam, quam post aquam calefactam) ita etiam con-
ditio sine qua aliquid non efficitur, nullam in effi-
ciente portas perfectionem.

Ad secundum, concessio antecedente, neganda est
consequentia: quia in nobis volitio, quia aliis volu-
tibus bonum, est quid realis in Deo vero, propter di-
uinam simplicitatem, velle aliis bonum, nihil reale
addit supra volitionem, qua se ipsum diligit.

DISPUTATIO III.

Adnotantur nonnulla circa secundam conclusio-
nem, & solutiones argumentorum

D. Thome.

*Voluntas di-
uinā sicut
Deus est ob-
iectum prima-
riū, cetera
secundariū.*

Circa secundam conclusionem disp. i. proposi-
tas in nobis eodem actū ferri possit in finem, & in ea
qua sunt ad finem, ut 1. 2. q. 8. art. 3. ostensum est:
actus vero voluntatis diuinæ, propter diuinam sim-
plicitatem, & perfectionem, nihil addat reale, vt res-
picit medium, supra se ipsum, vt respicit finem, sed
solum respectum rationis: sit, ut Deus unico simpli-
cissimo actu feratur in se ut in rem amatam & dile-
ctam, & in creaturas, ut in res propter se ipsum voli-
tas, & amatas. Cum vero finis ultimus à diuinā volu-
tate volitus ad obiectum illius primarium per-

Molina in D. Thome.

A tineat: ea autem, qua sunt ad finem, ad obiectum
secundarium: consequens est, ut quemadmodum sola
essentia diuinæ est obiectum primarium intellectus
& scientiæ diuinæ, ut q. 12. & 14. explicatum est: ita
etiam sola essentia diuinæ sit obiectum primarium
tam voluntatis, quam actus voluntatis diuinæ: crea-
tura vero ad obiectum secundarium pertinet. Quod
sit, ut obiectū adæquatum diuinæ voluntatis
sit bonū commune omni bono: primarium vero sit
bonū diuinum, quod est ipsius Dei: carera autem
bona pertinente ad obiectū secundarium, quorum
comparatione Deus ipse habet rationem finis. Qua-
re omnia, quae ad obiectum secundarium diuinæ
voluntatis spectant, habent rationem eorum, que
sunt ad finem comparatione obiecti primarij: licet
inter se comparata quedam habeant rationem finis,
quædam rationem eorum, quae sunt ad finem.

Circa respondionem ad secundum notandum est,
duobus modis posse intelligi finem mouere voluntate.
Vno, quia per cognitionem sui concurreat ad
actum voluntatis: i. enim 2. ostendimus cognitionem
obiecti efficienter ad actum voluntatis concurreat.
Altero, quia est causa actus voluntatis in genere
cause finalis: quod improrupte est mouere. Etenim
causalitas finis, ut 1. 2. & 2. Physicorum explicatum
est, non est posita in motione aliqua, sed in eo prac-
tice, quod aliquid ex directione causæ cognoscatur
sit propter aliud tamquam propter finem: unum
enim habere siuum esse ob aliud tamquam ob finem,
est habere esse ab illo, ut à sua causa finali.

Si ergo sit sermo de secundo modo motionis, di-
cendum est: Voluntatem diuinā neque à primario
objeto, neque à secundario moveri: quippe cūm
actus voluntatis diuinæ neque respectu obiecti pri-
marij, neque secundarij sit propter finem, ut 1. 2. q. 1.
art. 2. & supra in calce q. 5. ostensum est: licet res à
Deo volita tamquam obiectū secundarium, sit pro-
pter rem volitam ut obiectum primarium tamquam
ob finem. Quare obiectum primarium voluntatis
diuinæ est finis, non ipsiusmet volitionis, sed obiecti
secundarij. Hoc enim interest inter voluntatem diu-
inam & nostram, ut locis citatis, ac alibi ostendi-
mus, quod res volita, siue tamquam finis, siue tamquam
medium ad finem, habet rationem finis comparatio-
ne actus voluntatis nostræ, quo est volita: non vero
comparatione actus voluntatis diuinæ, quo volita
est: quia de causa actus voluntatis nostræ semper
comparatur ad obiectum, quod volumus, ut ad fi-
nem eiusdem actus, cūm tamen res longè alter se
habeat in actu voluntatis diuinæ, qui nullum omni-
no finem sui ipsius habere potest.

Si vero sit sermo de primo modo motionis, di-
cendum est: Obiectum primariū voluntatis diuinæ
concurrit ad actum diuinæ voluntatis per cogni-
tionem, quam de eo haber diuinus intellectus, &
in eo ipso de obiecto secundario: ut non concurreat
efficienter, sed nostro intelligendi more se habere
tamquam rationem, qua voluntas diuinā coadunatur
ad producendam volitionem, tam naturale cōtra
obiectum primarium, quam liberam circa obiectum
secundarium: obiectū vero secundarium, quoniam
ab eo non sumitur cognitio in intellectus diuinī, non
dicitur per eam cognitionem, qua cognoscitur, con-
currere ad liberam volitionem, qua à Deo est voli-
tum, tametsi cōcurrat cognitio ipsa, qua in obiecto
aque ex obiecto primario habetur. In nobis vero
dicendum est, tam finē, quam ea qua sunt ad finem,
concurrit efficienter per sui cognitionem ad actus
voluntatis qui de ipsis habentur, ut 1. 2. qu. 1. artic. 1.
ostensum est: licet finis cōcurrat tamquam obiectum

*Finis ut mo-
neat voluntate.*

*Voluntas
diuinæ an
obiectum sit
finis.*

*Di/rimē no-
tandum in re
diuinā volu-
tatem. &
nostram.*

*Voluntas di-
uinæ an mo-
tus in sua
efficiencia & à
creatura in
ratione ob
iecto cogniti.*

Y primariū

privariò mouens, & ea quæ sunt ad finem, quæ talia, concurrent tamquam obiectum mouens secundariò, presupposita videlicet motione finis. Ratio verò huius diuersitatis, inter voluntatem nostram & diuinam, est: Quoniam ea quæ sunt ad finem, cognoscuntur à nobis in ipsiusmet, ab eisdemque deducimus cognitionem illam: Deus autem ea, quæ sunt ad finem, non cognoscit in ipsis rebus, sed in sua essentia: quo fit, ut cognitio nostra sit quasi illorum instrumentum, quo influunt in voluntatem, cognitio verò diuina nullo modo est illis tribuēda, vt per illam quasi influere dicantur ad volitionem, quam de illis Deus habet, sed essentia est tribuēda.

Circa responsonē ad tertium animaduertendum est, rem, quæ non existit in volenti, duobus modis posse ab eo esse volitam. Vno, tamquam aliquid cedens in commodum, & utilitatem volentis: atque eiusmodi volitio oritur ex indigentia volentis, neque potest conuenire Deo. Alio, tamquam aliquid cedens in commodum alterius, ita tamen ut voluntem deceat veille illud alterius: quo pacto misericors, liberalis, & magnificus vult imperiū aliis bona sua, ipsum tamen decet id ita velle. Hoc igitur modo Deus vult alia à se in commodum & utilitatem aliorum: decet tamen Deum id ita velle, ceditq; in laudem & honorem bonitatis ipsius, atque ad suorum attributorum manifestationem. Quo fit, vt ex sualiberalitate & munificentia propter se ipsum illa velit in utilitatem & commodum aliorum. Licet ergo in Deo ratio attingendi per volitionem res alias à se, sit bonitas ipsius: non tamen solam suam bonitatem intendit, sed etiam commodum, atque utilitatem aliorum. Etenim nonnullæ res creatæ, ex Dei intentione & volitione, sines sunt quarundam aliarum creaturarū, in quānū commodum illas alias vult, propter suam tamen bonitatem. Quāns ergo radix prima, finisq; utilitus, propter quē Deus vult alia à se, sit ipsius bonitas: non tamen, cum ī vnam alteri vult, nudā suam bonitatem intendit, vt ægrotus in sumenda portione amara nudam sanitatem, sed similiter etiam commodum & bonū terum, qui buscū misericordia & magnificētia viciur, procurat.

ARTICVLVS III.

Vtrum quicquid Deus vult, ex necessitate velit.

DRÆMITIT. Diuīs Thomas distinetio nemillam necessitatis, absolute scilicet, & ex hypothesi, statuitque hanc generalem conclusionem. Deus aliquid vult necessitate absolute non tamen omne, quod vult, vult necessitate absolute: quam tribus sequentibus conclusionibus explicat.

Prima est. Deus necessitate absolute suam essentiam atque bonitatem esse vult. Siue autē D. Thomas eas intelligat de necessitate quoad speciem actus, vt interpretatur Caietanus, & innuere videatur probations D. Thomæ, tum hoc loco, tum primo contra gentes cap. 80. siue etiā quoad exercitium, vera est conclusio, sufficienterque probatur rationibus quibus 1. 1. q. 10. art. 2. ostendimus voluntatem nostram necessariò, quoad exercitium actus, diligēt. Deum clare visum. Confirmari etiam potest, quoniam in Deo formaliter est volitio realis, vt art. 1. ostensum est: ergo necessitate absolute ei conuenire debet: respectu igitur alicuius obiecti: at non alterius quam essentia & bonitatis diuinæ comparatione: ergo Deus vult suam essentiam & bonitatem esse necessitate absolute, non solum quoad speciem actus, sed etiam quoad exercitium. Prima consequentia probatur, quoniam si volitio realis, quæ formaliter est in Deo, necessitate absolute ei non conueniret, potuisset absolute non esse, ac proinde esset quid distinctum ex natura rei ab essentia, quod diuina simplicitati repugnat. Præterea compararetur essentia cum ea, tamquam potentia cum suo actu, accidentaliterque diuinæ essentiae conueniret: quæ omnia cum natura diuina & perfectione eius manifeste pugnant. Secunda verò consequentia ex eo est nota, quoniam contradictionem implicat, scilicet rationem formalem volitionis, & nullius obiecti esse volitionem. Minor ulterius assumpta, & ultima consequentia, probatione non indigent.

Secondū conclusio ita se habet. Deus alia à se necessitate absolute non vult. Hac est de fide, vt patet ex illo ad Ephes. 1. In quo sorte vocati sumus, prædestinati secundum prop̄positum eius, qui operatur omnia secundum consilium voluntatis sue, & ex plerisque aliis testimonis Scriptura facit. Probatur vero ratione, quoniam Deus vult alia à se propter suam bonitatem tamquam ob finem: sed qui vult finē non necessariò vult ea, quæ sunt ad finem, nisi talia sint, vt sine illis finis esse nequeat: cum ergo essentia & bonitas diuina esse possit sine aliis, siquie secundū se perfectissime, & nulla ex aliis rebus perfectio ei accrescat: fit, vt licet Deus suam essentiam atque bonitatem necessitate absolute velit, alia tamen à se non necessariò, sed liberè volit.

Quo loco animaduertendum est, quanum ea, sine quibus finis esse non potest, non soleant comparari inter ab solutè necessaria, sed inter necessaria ex hypothesi, si finis sit futurus, idque propter à quod finis non soleat esse quid ab solutè necessariū in re tamen proposita, quia essentia, diuinæ que bonitas, non solam necessaria est secundum se, sed etiam necessariò est à Deo volita, sanè si creatura, quæ propter eam sunt volitæ, tales essent, vt sine illis essentia diuina esse non posset, nō solù necessitate absolute forent, sed etiam volitæ essent à Deo eadē necessitate: quemadmodum finis ipse necessariò est à eadē, & necessariò Deo volitus.

Animaduertendum est deinde, si essentia diuina esse non posset sine creaturis, tunc sanè necessariò esset volita, non solum secundum se, sed etiā tamquam finis creaturarum, quæ propter eam necessariò essent volitæ. At quia esse potest sine illis, licet ipia volita sit tamquam finis creaturarum, eò quod creatura re ipsa propter eam sunt volitæ: potuit tamen esse volita secundum se absolutè, ita ut neque comparatione actus voluntatis diuinæ, quo est volitæ (comparatione cuius nec habet, nec potest habere rationem finis) neque etiam comparatione creaturarum rationem finis habetur.

Tertia conclusio est. Deus alias res à se vult necessitate nō absolute, sed ex hypothesi. Hec probatur, quoniam cum Deo omnis mutatio, via studi nisiquæ obumbratio repugnat, utique postquam res semel sunt volitæ, non possunt non esse volitæ, vt q. 14. artic. 13. disp. penultima ostensum est.

Contra id quod D. Thom. in probatione secundæ conclusionis affirmat, nempe ex creaturis nihil bonitatis & perfectionis Deo accrescere, possimus argumentari. Quoniam creatura sunt volitæ à Deo propter diuinam bonitatem, & comparatione eiusdem se habent ut media ad finem, vt dictum est: ergo ex illo aliqua fallere voluntas, & commodum in Deum redundat. Patet consequētia, quia medium, qua-

Deus quo
pacto velit,
& amet alia
a se.

Secondū
conclusio.
Deus alia à
se ab solutè
necessitate
non vult.

Tertia emend.
Vult Deo
alia à se
cessitate im-
munitate
obiecit.